

Događaj: Forum za zajedničko definisanje Vizije 2050

Datum i vrijeme: 12.10.2023. godine, 11:00-15:00 h

Mjesto: Hotel Atlas

Radni materijali: Prezentacije

Ključne informacije i zaključci:

- Gđa Vanja Zekić, zamjenica načelnika Opštine Ugljevik, pozdravila je sve prisutne i otvorila događaj. Navela je da današnja radionica u okviru projekta pomaže da zajednički podijelimo ideje kako da se i nakon iscrpljenja rude omogući lijep i solidan život na ovom prostoru. Naglasila je značaj uglja za ovu Opštinu i istakla da je to na ponos i veoma važan faktor opstanka stanovnika ove opštine te istakla i problematiku zavisnosti od rudnika.
- SEI tim/predstavnik projekta predstavio je dvije komponente programa "BiH SuTra - Podrška tranziciji regiona bogatih ugljem". Naglasio je važnost podrške održivoj tranziciji u regijama koje su tradicionalno oslanjale na ugljen i predstavio ključne radne pakete. Također je govorio o pravnom okviru koji usmjerava proces izrade tranzicijskih planova, te njihovu strukturu i pristup kroz fokus na pet razvojnih pravaca (dekarbonizacija, energija, klima i održivi transport, cirkularna ekonomija, smanjenje zagađenja, održiva poljoprivreda, te zaštita prirode i biodiverzitet). Ovi razvojni pravci će biti temelj funkcionalnih oblasti/mjera unutar svakog pravca. Aktivnosti će biti podijeljene prema vremenskom okviru: kratkoročne do 2027. godine, srednjoročne do 2035. godine i dugoročne do 2050. godine. One kratkoročne bit će detaljno razrađene u dokumentu a dvije će biti implementirane kroz ovaj projekat. Prezentacija je pružila sudionicima dublje razumijevanje o projektu te predloženim smjernicama, planovima i vremenskom okviru za tranziciju, te njihovu usklađenost s relevantnim regulativama i ciljevima održivog razvoja. Učesnici su pozvani da se kratko predstave.
- Nakon predstavljanja učesnika, SEI tim/konsultant na projektu preuzeo je riječ i otpočeo sa obraćenjem i prezentiranjem. Naglasio je važnost zajedničkog rada i učešća u procesu vizioniranja, posebno važnost uključivanja zajednice. Ako budemo dobro radili imat ćemo koristi za sve i pozitivne efekte. SEI tim/konsultant predstavio je metodologiju izrade tranzicijskih planova u detalje te upravljanje promjenama (tranzicijom) zajedno. Zatim je

dao kratak izvor iz profila Opštine Ugljevik te istakao ključne pokazatelje i probleme. Nadalje, predstavio je ključne rezultate ankete koja je bila anonimna (ključne pokazatelje uzorka te ključna interesantna pitanja, između ostalog inpute za viziju). Zatim je predstavio pristup rada u grupama tj. današnje vježbe vizioniranja.

- **Rad u grupama:** Učesnici su bili podijeljeni u 3 grupe shodno pozadini i pripadnosti različitim sektorima. Njihovi inputi/rezultati grupnog rada a koji podrazumijevaju elemente vizije su priloženi ovom zapisniku.
- SEI tim se zahvalio na radu te naglasio da će inputi biti obrađeni te moli da prisutni ostanu u toku i nastave se uključivati kroz sve aktivnosti projekta. Rezultat ove radionice je sasvim zadovoljavajući.

Sljedeći koraci uključuju:

- Anketa će ostati aktivna do ljeta 2024. godine te će link biti dostupan javnosti putem sekcije Vizija 2050 na web stranici Općine,
- Zaključci će biti podijeljeni sa svim zainteresovanim grupama, prvenstveno prisutnim na današnjem Forumu,
- Implementatori projekta će držati informisanim i uključenim mapirane zainteresovane strane a posebno prisutne na današnjem Forumu o sljedećim koracima,
- Konsultant će pripremiti prvi prijedlog ažurirane generičke vizije shodno svim inputima u narednih 20 dana.

Prilozi:

1. Rezultati grupnog rada prve grupe
2. Rezultati grupnog rada druge grupe
3. Rezultati grupnog rada treće grupe

Prilog 1. Rezultati grupnog rada prve grupe

Sastav i pozadina grupe: Socijalni rad i kultura (društvena pitanja)

Ključni inputi:

- Lokalna zajednica koja ne živi isključivo od RiTE i rada u Opštinskim preduzećima
- Bolja saradnja lokalne zajednice i RiTE
- Viši životni standard (ne u poređenju sa danas već sa drugim mjestima u okruženju)
- Bolja komunalna infrastruktura, prvenstveno sa aspekta grijanja na ekološkom principu (bez smoga)
- Unapređenje života na selu (voćarstvo)
- Korištenje obnovljivih izvora energije
- Obrazovanje prema tržištu rada
- Treba zasaditi više zimzelenog drveća, uređenje zelenih površina, veliko igralište za djecu
- Bogat i raznovrstan kulturni život
- Seoski turizam i kulturno-historijski turizam
- Lokalna zajednica u kojoj raste broj stanovnika

Prilog 2. Rezultati grupnog rada druge grupe

Sastav i pozadina grupe: Mjesne zajednice, Opština (javna uprava)

Ključni inputi:

- Moderno uređena razvijena i multikulturalna lokalna zajednica čiji se napredak zasniva na pravednosti, jednakosti, održivoj tranziciji i ekonomskoj razvijenosti. Lokalna zajednica koja svom stanovništvu omogućava napredno i moderno okruženje, održiv razvoj, zaposlenost, ekološki čisto područje sa pozitivnom demografskom slikom.

Prilog 3. Rezultati grupnog rada treće grupe

Sastav i pozadina grupe: turistički sektor i razvojne agencije/organizacije

Ključni inputi:

- **Postepena tranzicija:**
- Informisanje stanovništva
- Prelazak na obnovljive izvore energije
- Rekultivacija devastiranih površina
- Unapređenje komunalne infrastrukture
- Izvori finansiranja
- Unapređenje saradnje između javnog i privatnog sektora
- Studije i struka
- **Ugljevik 2050:**
- Ugljevik- prepoznatljiv poljoprivredni kraj (akcent na voćarstvo i stočarstvo)
- Prerađivačka i prehrambena industrija u ekspanziji, proizvodi trebaju biti brendirani
- Ugljevik kao prepoznatljiva turistička destinacija bazirana na seoskom turizmu
- Tehnologije, razvoj IT sektora, mašine/mehanizacija u ovim sektorima u korak sa Evropom i svijetom
- Omladina u obrazovni sistem